

庶物類纂

果屬
自八至十

容

太政官文庫			
和	特別	三	一
書	別	三	二
門	類	六	二
		二	乙
		番	五
		函	四
		架	六
		冊	五

內閣文庫			
番號	和	32362	
冊數	465 (420)		
函號	特	54	1

共十九



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale





© Kodak, 2007 TM: Kodak



同404

三十三卷



庶物類纂果屬卷之八目次

壽星桃

崑崙桃

尖嘴桃

早桃

寒桃

毛桃



庶物類纂

果屬目次

崑崙桃

一名王母桃、酉陽雜俎續集 一名西王母桃、同上 一名

仙人桃、羣芳譜 一名冬桃、同上

崑崙桃

崑崙桃一名王母桃一名仙人桃一名冬桃出洛中
形如栝萋表裏徹赤得霜始熟味甘美
明王蓋臣二如亭羣芳譜
王母桃洛陽華林園內有之十月始熟形如栝萋俗
語曰王母甘桃食之解勞亦名西王母桃
唐段成式酉陽雜俎

續集

冬桃至冬方熟
鄆江周氏洛陽花木記

壽星桃

一名矮桃八閩通志一名道州桃同上一名瑞香桃

致富全書一名孩兒桃同上

俗名葦賴貌州山城

壽星桃

桃花種最多。若金桃、蜜桃、灰桃之類，多植園中取果。其可供玩者，莫如碧桃、人面桃二種。緋桃之韻，即不種亦可也。壽星桃矮而花能結大桃，亦奇可玩。桃殊

不中食。明王敬美學圃雜疏

矮桃樹高者僅三四尺，實如金桃而小，秋熟。八閩通志

矮桃有重瓣者，花而不實。同上

矮桃俗呼道州桃。同上

壽星桃樹矮而花能結大桃，然不堪食。明徐光啟農政全書

庶物類纂 卷八 果屬 壽星桃 二

瑞香桃又名孩兒桃又名矮桃高一二尺實如金桃而圓秋熟建昌志所謂道州桃也蓋道州出侏儒而此桃形矮故名明吳文華致富全書

謹按人面桃亦名孩兒桃見三才圖會


桃其矧者曰瑞香桃清皖桐方氏物理小識

壽星桃樹矮而花千葉實大可作盆玩清陳淚子祕傳花鏡

尖嘴桃

一名京桃致富全書 一名鷹嘴桃邵武府志 一名鶯嘴

桃八閩通志



尖嘴桃

鶯嘴桃小桃色皆半紅八閩通志

鷹嘴桃六月熟邵武府志


尖嘴桃亦謂之京桃花色紅麗味亦甘美明周文華致富全書

鷹嘴桃綿桃皆甘清皖桐方氏物理小識

鷹嘴桃花紅實在六月熟有尖如鷹嘴狀清陳湜子祕傳花鏡

應物類纂 卷八

果屬 尖嘴桃 二



早桃

一名五月桃江陰縣志
一名御愛桃重修江府志

俗名柰紫貌貌江戶

早桃


早桃五月熟邵武府志

桃有數種紅者曰早桃泉州府志

五月桃小嘉興縣志

桃五月熟者最大名五月桃江陰縣志


桃其實之小而先熟者曰御愛桃曰紅穰離核桃重鎮江府志



寒桃

- 一名旄爾雅 一名冬桃同上 一名霜桃西京雜記 一名
- 凍桃救荒本草 一名十月桃農政全書 一名古冬桃同上
- 一名雪桃同上

俗名勿由貌貌



寒桃

霜桃霜下可食

晉葛洪西京雜記

寒桃冬熟

八閩通志

十月桃大徑寸半味甘酸

同上

十月桃花紅形圓色青肉黏核味甘酸十月中成熟

一名古冬桃又名雪桃

明徐光啟農政全書

十月桃形圓色青花紅肉黏核味甘酸以十月中熟

大徑寸半諸品中惟此最後疑即古冬桃也

明周文華致富

全書

應物類編 卷八

果屬

寒桃

二

十月桃出西太乙宮

鄆江周氏洛陽花木記

毛桃

一名櫪桃

爾雅

一名山桃

同上

一名毛桃

羣芳譜

俗名結貌貌

山城州

毛桃

毛桃即爾雅所謂榘桃小而多毛核黏味惡不堪食

其仁充滿多脂可入藥明王蓋臣二如亭羣芳譜

毛桃爾雅名榘桃小而多毛核黏味劣不堪清陳湜子祕傳

花鏡

無物類纂

果屬

毛桃

二

庶物類纂果屬卷之九目次

李總

果屬目次

李

一名嘉慶子
本艸綱目

俗名事貌貌

果屬 李

李

李一名嘉慶子樹之枝幹如桃葉綠而多花小而繁
色白結實有離核合核無核之異小時青熟則各色
有紅有紫有黃有綠又有外青內白外青內紅者大
者如杯如卵小者如彈如櫻其味有甘酸苦澀之殊
性耐久樹可得三十年雖枝枯子亦不細種類頗多

有麥李

麥秀時熟實小有溝肥
甜一名座一名接慮

南居李

解核如杏
堪入藥 李

春李

冬花
春實

木李

絕大
而美

御黃李

形大而味厚核小而
甘香李中佳品也 均

亭李

紫而肥大味甘如
蜜南方李此為最

擘李

熟則
自裂

饊李

肥黏
如饊 中植李

麥前熟趙李無核一名休御李大如櫻桃紅黃赤駁李其實赤

冬李十月十月熟離核李似柰有皆李之特出者他如經

李一名老李樹數年即枯杏李味小酸黃扁李夏李名李出南

縹青李出房建黃李出河青皮李赤陵李馬肝李牛

心李紫粉李小青李水李扁縫李金李鼠精李合枝

李柰李晚李之類未可悉數建寧者甚甘今之李乾

皆從此出明王蓋臣二如亭羣芳譜

移栽春月取近根小條栽之離大樹遠者不用待長

移之別地性喜開爽宜稀栽南北成行率兩步一株

太密聯陰則子小而味不佳樹下勤去艸令淨不用

耕耕則肥而無實同上

嫁李正月一日或十五日以磚石著李樹岐中令實

繁又臘月中以杖微打樹岐間正月晦日復打可令

足子又法以煮寒食醴酪火榛著樹間亦良或曰桃

樹接李則生子甘紅同上

禁忌李多食腹脹苦澀者忌食服水人不可食不沈

水者不可食不可合雀肉食不可合蜜食不可臨水

食不可合漿水食

製用鹽曝法夏月李黃時摘取以鹽按去汁合鹽曬
萎去核復曬乾用時以湯洗淨薦酒甚佳○嘉慶子
取朱李蒸熟曬乾又糖藏蜜煎皆可久留本州曰李
根可治瘡服其花令人好顏色○食李能除固熱調
中不可多食保生月錄
○同上

武帝初修上林苑羣臣遠方各獻名果樹有朱李黃
李紫李綠李青李綺李青房李車下李顏回李合枝
李羌李燕李猴李西京雜記
○同上

謹按西京雜記李十五紫李綠李朱李黃李青綺

李青房李同心李車下李合枝李金枝李顏淵李

出羌李燕李蠻李侯李

王戎父渾瑩所歷九郡義故懷其德惠相率致賻數
百萬皆不受又云戎家有好李賣之恐人得種鑽其
核夫能辭數百萬之賻而乃斬一果之種似非人情
此必當時惡濬冲者造為此語恐未可信晉書
○同上

國朝嘉靖三十年象山縣李樹生王瓜三十二年諸
暨縣李樹生王瓜諺云李樹生王瓜百里無人家已
而果為倭奴剽殺甚眾寧波郡志
○同上

謹按文獻通考唐懿宗咸通十四年成都李實變為木瓜時人以為李國姓也變者國奪于大之象也安慶府志明正德十四年三月李結實如瓜其味甜其長寸四月大水免其租半蓋李生大實如瓜形者時或有之不必異也為災祥之學者強欲求其應陋矣

李接桃梅易活且耐久亦耐糞明徐光啟農政全書

李樹接桃枝則為桃李郭橐駝種樹書

李之品見於傳記者甚多埤雅云李東方之果木子

也故其字從木從子爾雅翼云李木之多子者故從子又云李南方之果也火者木之子故名與埤雅說異其花白而細比桃尤繁楊誠齋常疑韓退之詩不見桃花唯見李花後登碧落堂望隔江桃李則桃暗而李明乃悟其妙蓋炫晝縞夜云蕭瑀陳士達於龍昌寺看李花相與論李有九標謂香雅細淡潔密宜月夜宜綠鬢泛酒無異色其實以五月熟甘脆可啖有微澀且酸者亦隨其品之上下而已青李外青內白嘉慶李外青內紅俱核小味甘而嘉慶李尤勝韋

述兩京記云東都嘉慶坊有李樹其實甘鮮為京都之美故稱嘉慶李今人但言嘉慶子蓋稱謂既熟不以李名也建寧李亦甚佳土人乾之貨賣四方北地有御黃子亦李之類而味甘美齊民要術曰李性耐久樹得三十年老雖枝枯子亦不細嫁李法於元日或上元日以甄石著李樹岐中令實繁又臘月中以杖微擊枝間至正月晦日復擊可令足子其不實者亦於元日五更四面照火亦云嫁李凡李桃樹下並鋤去艸穢不用耕墾耕則肥而無實樹下犁撥則樹

死大率桃李方兩步一根根密陰連則子細而味亦不佳便民圖纂云臘月中取根上發起小條移種別地待長行栽栽宜稀不宜肥地取桃樹接之則生子紅甘或以本色接之亦易活

明周文華致富全書

立夏日俗尚啖李時人語曰立夏得食李能令顏色美故是日婦女作李會取李汁和酒飲之謂之駐色酒一曰是日啖李令不疰夏

玄池說林

李種亦殊多北土盤山麝香紅妙甚江南絕無然亦有一種極大而紅者味可亞之亦有王黃青翠嘉慶

子俱稱佳品吾圃中僅有粉李一種餘當致之 明王敬美

學圃雜疏

汀人多種李二月時田園碎白滿野時聞紅桃繽紛可喜入廷境絕不見李而特多梨花尤壯士殊令人寄情閩中梨稱建陽為佳產故當不作烝食 明王敬美閩部疏

庶物類纂果屬卷之十目次

麥李

臘脂李

青蔥李

青皮李

白李

麥李

一名座爾 一名接慮李上 一名麥熟李初學
雅

果屬

麥李

麥李

座接慮李郭云今之麥李與麥同熟因名云宋邢昺爾雅疏

麥李即青李也宋鄭夾漈爾雅註

座接慮李今之麥熟李初學記

京口有麥李麥秀時熟小而甜肥核不入藥嘉祐補註本艸

麥李細實有溝道與麥同熟故名之本艸圖經

麥李麥秀時熟實小有溝肥甜明徐光啟農政全書

麥李紅甚麥熟而實可食明高濂遵生八牋

李與麥同熟而甜脆者曰麥李邵武府志

李品目亦多，顆大而色朱或紫者，有相公、金沙、紫灰、善頭、亢條、黃甘、觀音、御黃、麥熟等名。其麥熟最早，圓小而脆美，最下者。重修鎮江府志
麥李，色粉紅，花亦森秀，微香。長溪夏旦葑圃同春
麥李，紅而甜，麥秀即可食，至結實有離核，合核無核之異。清陳淚子祕傳花鏡

臙脂李

一名駁爾雅 一名赤李同上 一名粉李鄭夾漈一
名均亭李農政全書

臙脂李

駁赤李李之子赤者名駁

宋邢昺爾雅疏

駁赤李粉李也赤而著粉

宋鄭夾漈爾雅註

駁赤李其子赤者是也

救荒本草

均亭李紫而肥大味甘如蜜

明徐光啟農政全書

江南建寧有一種名均亭李紫色極肥大味甘如蜜

南方之李此實為最

明王思義三才圖會

李皮紫肉黃如臙脂者曰臙脂李

邵武府志

臙脂李福州丞曬最嘉李子之味酸甘

閩書

臙脂李、皮肉俱紅、味甘、夏熟、八閩通志

青蔥李

果屬

青蔥李

青蔥李

李色青白者曰青蔥李邵武府志

青蔥李色青色八閩通志

青皮李


一名紅腹李

八閩
通志

果屬


青皮李

一



青皮李

青皮李即紅腹李
八閩通志



果屬 青皮李 二

白李

一名鵝黃福州府志
一名黃蠟李邵武府志

果屬 白李

白李

白李亦名鵝黃實清脆五六月熟八閩通志
李色黃者曰黃蠟李邵武府志

博物類纂
卷十



